



"REGIONALNA DEPONIJ A MOŠĆANICA" d.o.o. ZENICA
Moščanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: regdepze@bih.net.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-140/21
Zenica: 08.03.2021. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 35. Statuta Privrednog društva „Regionalna deponija Moščanica“ d.o.o. Zenica a na preporuku Komisije za javnu nabavku, imenovane Odlukom, broj: 02-83/21 od 16.02.2021. godine u konkurentskom postupku nabavke „Nabavka kamene frakcije“, direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) donio je:

O D L U K U
o izboru najpovoljnijeg ponuđača i dodjeli okvirnog sporazuma za
“nabavku kamene frakcije”

Član 1.

Prihvata se preporuka Komisije za javnu nabavku, broj: 02-139/21 od 08.03.2021.godine i Okvirni sporazum za **“Nabavku kamene frakcije”**, dodjeljuje se **ponuđaču TRGOŠPED D.O.O. KAKANJ** na osnovu njegove ponude, broj **VP-23/21 od 02.03.2021.godine**, i to za ponuđenu cijenu od **30.000,00 bez PDV-a**, kao najbolje ocijenjenom.

Član 2.

Prijedlog ugovora dostaviti će se na potpis izabranom ponuđaču **TRGOŠPED D.O.O. KAKANJ** najkasnije u roku od 10 dana, računajući od dana od kada je obaviješten o izboru najpovoljnije ponude.

Član 3.

Ova odluka objaviti će se na web-stranici Ugovornog organa (www.rdm.ba) istovremeno sa upućivanjem primjerka odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostaviti će se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke “Kamene frakcije” za potrebe Ugovornog organa pokrenut je Odlukom o pokretanju postupka javne nabavke, broj: 02-82/21 od 16.02.2021. godine. Javna nabavka je planirana u Planu javnih nabavki za 2021. godinu i evidentirana je u istom pod rednim brojem 1.

Procijenjena ukupna vrijednost javne nabavke bez PDV-a je 30.000,00 KM. Okvirni sporazum se zaključuje na period do dvije godine.

Javna nabavka je provedena konkurentskim zahtjevom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude.

Dana, 17.02.2021.godine na portalu javnih nabavki (www.ejn.gov.ba) je objavljeno Obavještenje o nabavci, broj: 362-7-1-45-3-4/21.

Komisija za javnu nabavku imenovana je Odlukom direktora Ugovornog organa, broj: 02-83/21 od 16.02.2021. godine.

Dana, 08.03.2021.godine Komisija za javnu nabavku je dostavila Zapisnik o ocjeni ponuda, broj: 02-139/21 od 08.03.2021. godine u postupku javne nabavke "Nabavka kamene frakcije".

U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Na osnovu toga, utvrđeno je sljedeće:

- da su ukupno dostavljene četiri (4) ponude,
- da su blagovremeno zaprimljene četiri (4) ponude,
- da nije bilo neblagovremeno zaprimljenih ponuda,

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njihove validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama, odnosno pripadajućim podzakonskim aktima.

Na osnovu toga, Komisija je utvrdila da GRUPA PONUĐAČA: ALI & VIS D.O.O. KREŠEVO i MILIČEVIĆ D.O.O. KREŠEVO su navedeni na koverti u kojoj je dostavljena zajednička ponuda. U skladu s tim, konstatovano je da ova dva preduzeća nastupaju kao grupa ponuđača. Međutim, u ponudi koja je dostavljena Komisija je utvrdila sljedeće nedostatke:

- Nije dostavljena Izjava grupe ponuđača – punomoć, o ovlaštenom predstavniku grupe ponuđača i ovlaštenim licima za komunikaciju i potpis ugovora a što je traženo tačkom 15. i 16. Tenderske dokumentacije,
- Nedostaju podaci o svakom članu grupe ponuđača: naziv i sjedište, adresa, IDB/JIB ili nacionalni identifikacijski broj prema zemlji sjedišta privrednog subjekta, broj računa, navod o tome je li član grupe ponuđača u sistemu PDV-a ili ne, adresa za dostavu pošte, kontakt osoba člana grupe ponuđača, broj telefona i broj telefaksa, uz obaveznu naznaku člana grupe ponuđača koji je ovlašten za komunikaciju s Ugovornim organom, a što je traženo tačkom 16. Tenderskog dokumenta,
- Nedostaje podatak u samoj ponudi koji je ponuđač nosilac ponude/predstavnik grupe ponuđača a što je traženo tačkom 16 Tenderskog dokumenta,
- U zajedničkoj ponudi nedostaje podatak o tome, koji će dio ugovora o javnoj nabavci (predmet, količina, vrijednost i postotni dio) izvršavati pojedini član grupe ponuđača a što je traženo tačkom 16. Tenderske dokumentacije,
- U zajedničkoj ponudi nedostaje dokaz za sposobnost obavljanja profesionalne djelatnosti (član 46. Zakona) za člana grupe ponuđača MILIČEVIĆ D.O.O. KREŠEVO a što je traženo tačkom 10.2. Tenderskog dokumenta,
- U zajedničkoj ponudi nisu popunjeni obrasci aneksi prema šemi koja je zadata u smislu da je bilo potrebno navesti da je ponuđač grupa ponuđača koju čine predstavnik grupe ponuđača ALI & VIS D.O.O. KREŠEVO i član grupe ponuđača MILIČEVIĆ D.O.O. KREŠEVO, a što je traženo Tenderskom dokumentacijom.

Na osnovu naprijed navedenih činjenica, Komisija je utvrdila da ponuda GRUPE PONUĐAČA: ALI & VIS D.O.O. KREŠEVO i MILIČEVIĆ D.O.O. KREŠEVO ima ozbiljne nedostatke zbog kojih se ova ponuda treba odbaciti kao neprihvatljiva.

Pored toga, Komisija je na osnovu cijena navedenih u ponudama utvrdila da cijena ponude ponuđača DRVOREZ D.O.O. HADŽIĆI ima elemente neprimodno niske cijene jer je cijena te ponude 14.000,00 KM bez PDV-a za više od 50% niža od prosječne cijene preostalih ponuda. U tom smislu, dana 02.03.2021. godine upućen je dopis broj 02-121/21 sa zahtjevom ponuđaču "DRVOREZ" D.O.O. HADŽIĆI da u skladu sa članom 66. Zakona o javnim nabavkama BiH i tačkom 40. tenderske dokumentacije opravda ponuđenu cijenu.

U ostavljenom roku, ponuđač "DRVOREZ" D.O.O. HADŽIĆI je dana 04.03.2021. godine dostavio obrazloženje svoje cijene. U tom smislu, dostavljena je ponuda njegovog dobavljača "FOREST M" D.O.O. MOSTAR gdje je navedeno da cijena kamene frakcije granulacije 100-150 mm iznosi 10,00 KM/m³ bez PDV-a, dok cijena kamene frakcije granulacije 16-32 mm iznosi 8,00 KM/m³ bez PDV-a, te je mjesto isporuke navedena adresa Sastavci bb, Hadžići gdje je sjedište ponuđača "DRVOREZ" D.O.O. HADŽIĆI. U tom dijelu ponuđač "DRVOREZ" D.O.O. HADŽIĆI je opravdao svoju nabavnu cijenu. Međutim, ono što je propustio ponuđač "DRVOREZ" D.O.O. HADŽIĆI je da dostavi detaljne informacije o relevantnim sastavnim elementima ponude, uključujući elemente cijene kako je to traženo našim dopisom odnosno članom 66. Zakona o javnim nabavkama.

U tom smislu, u ponudi ponuđača "DRVOREZ" D.O.O. HADŽIĆI prema ovom Ugovornom organu je navedena cijena za kamenu frakciju granulacije 100-150 mm u iznosu od 12,00 KM/m³ bez PDV-a, dok cijena kamene frakcije granulacije 16-32 mm u iznosu od 10,00 KM/m³ bez PDV-a.

Ponuđač "DRVOREZ" D.O.O. HADŽIĆI nije pojasnio ovom Ugovornom organu razliku od nabavne cijene do cijene prema ovom Ugovornom organu u iznosu od 2,00 KM/m³ bez PDV-a šta ona sve sadrži. Ponuđač je trebao da na primjer obrazloži koliko iznosi u ove 2,00 KM/m³ bez PDV-a, trošak potrošnje goriva sa lokacije u Hadžićima do naše lokacije na Mošćanici (oko 140 km u dva pravca), nosivost kamiona, trošak radne snage i druge elemente cijene kako bi opravdao svoju nisku cijenu ali to nije uradio.

Prema našim informacijama sa tržišta, transport kamene frakcije sa područja općine Vitez na Mošćanicu čija je udaljenost u dva pravca oko 60 km, iznosi 7 KM/m³ dok transport kamene frakcije sa područja općine Kakanj čija je udaljenost u dva pravca oko 26 km od Mošćanice iznosi 10 KM/m³.

Poređenjem cijena sa stanjem na tržištu ukazuje ovom Ugovornom organu da cijena transporta od 2,00 KM/m³ sa udaljenosti oko 140 km u dva pravca od Mošćanice je upitna. Posebno iz razloga što je ponuđač nije obrazložio svojim odgovorom.

Iz navedenih razloga Komisija Ugovornog organa u skladu sa članom 66. Zakona o javnim nabavkama i tačkom 40. tenderske dokumentacije proglasila je ponudu ponuđača "DRVOREZ" D.O.O. HADŽIĆI neprihvatljivom.

Komisija je konstatovala da ponude ponuđača TRGOŠPED D.O.O. KAKANJ i KOMGRAD-ZE D.O.O. ZENICA su prihvatljive da ispunjavaju sve formalno-pravne uslove i da se mogu unijeti u sistem e-aukcije. Konstatovano je da su oba ponuđača dostavila validan dokaz o preferencijalnom tretmanu domaćeg ponuđača.

Nakon izvršene analize ponuda, izvršeno je rangiranje ponuda ponuđača. U tabeli je dat pregled ponuđenih cijena za predmetnu nabavku i rangiranje ponuđača po kriteriju "najniža cijena" prije e-aukcije, kako slijedi:

Rang	Naziv ponuđača	Ponuđena cijena (bez PDV-a) u KM
1.	TRGOŠPED D.O.O. KAKANJ	30.000,00
2.	KOMGRAD-ZE D.O.O. ZENICA	41.400,00

Na osnovu toga, zakazana je e-aukcija na dan 08.03.2021. godine sa početkom u 11:00 sati.

Nakon provedene e-aukcije rang ponuda za "Nabavku kamene frakcije" je bio slijedeći:

Rang	Naziv ponuđača	Ponuđena cijena (bez PDV-a) u KM
1.	TRGOŠPED D.O.O. KAKANJ	30.000,00
2.	KOMGRAD-ZE D.O.O. ZENICA	41.400,00

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema Odluke.

Direktor

Adnan Šabani, Bsc.

Dostaviti:

1x Ponuđaču: TRGOŠPED D.O.O. KAKANJ

1x Ponuđaču: DRVOREZ D.O.O. HADŽIĆI

1x Ponuđaču: GRUPA PONUĐAČA: ALI & VIS D.O.O. KREŠEVO i MILIČEVIĆ D.O.O. KREŠEVO

1x Ponuđaču: KOMGRAD-ZE D.O.O. ZENICA

1x a/a